



KEMENADENN D'AR GAZETENNERIEN

D'an 7 a viz Meurzh 2020

## D-70 A-RAOK LOC'HAÑ ar redadeg a-eilek evit ar brezhoneg.

**Kengred, sportel, sevenadurel, bevet a-stroll ha gant plijadur,  
tremen a raio dre 5 departamant Breizh a-hed 2020 km ha dre 340 kumun.  
Evit ar 7vet Redadeg e 2020 e loc'ho ar Redadeg  
d'ar 15 a viz Mae e Karaez betek an 23 a viz Mae e Gwengamp.**

### 1) Tem ar bloaz : Deus 'ta Mignon !

"Santet vez startijenn an dud", "fromus oa redek a-stroll, kozh ha yaouank asambles", "redek kreiz an noz gant kanaouennoù brezhonek, ur beuz", "goude ar Redadeg 'meus kroget da zeskiñ brezhoneg"... Setu ar pezh a vez klevet diouzh an dud a-benn bep redadeg.

Setu penaos e oa bet ganet an dodenn-mañ **a bedi an holl Bretoned, sportourien pe get, bugale, kerent, tud-kozh, embregerezhioù ha kevredigezhioù eus Breizh, brezhonegerien pe get, da vont da redek** un nebeud metrad pe kilometradigoù ha profitañ d'ar gouelioù a vo aozet a-hed an hentad. (Sonadegoù, festoù-noz, kenbredoù, abadennoù, standoù...)

### 2) 2020 kilometr evit arc'hantaouiñ raktresoù evit ar brezhoneg.

**D'ar strollegezhioù, d'an embregerezhioù, d'ar c'hevredigezhioù, d'an dud** e vez gwerzhet pep kilometr... Da lâret eo d'an nep a fell dezhañ kemer perzh en darvoud a-benn skoazellañ ar brezhoneg. Gallout a raio **bezañ gwelet ha dougen ar vazh-test** e-lec'h ma vez kuzhet ur gemennadenn enni hag a vo lennet war leurenn degouezh ar Redadeg.

**An hanter eus ar gounidoù az aio da arc'hantaouiñ** rouedad ar skolioù Diwan. An hanter all a sikouro raktresoù a yelo a-du gant implij ar yezh er vuhez foran, a gaso ar brezhoneg war-raok er mediaoù nevez, pe a roio tu d'ar vrezhonegerien d'ober gant o yezh. (cf. Teuliad kelaouiñ « Raktresoù arc'hantaouet 2020 »)

### 3) Deuit da redek e-lec'h ma vank rederien !

E lec'hioù 'zo ez eus bet prenet kilometroù gant tud ne vont ket gouest da zont da redek. Met arabat eo e vefe torret chadenn ar Redadeg ! Setu perak e klaskomp tud da zont da redek ar c'hilometradoù-se. **Un arouez ken a-bouez all eget prenañ e gilometr eo dont da redek.** Ha skoazellañ ar Redadeg dre ar redek a zo reiñ lañs d'ar yezh en ur mod brav ivez. Hag ur mare plijus eo dreist-holl ! Lakit ho poutoù en ho treid, ha deuit 'ta mignon, deuit 'ta war an hent !

Ur stignad a zo bet krouet a-benn renabliñ a re a fell dezho redek ha sikour ur c'hilometrad gwerzhet met n'eo ket redek ha tu 'vo dougen a vazh-test ouzhpenn-se.

*Deuit d'ar bajenn great a-ratozh « Piv a redo ma c'hm » war :*

<https://www.ar-redadeg.bzh/fr/blog/article/qui-courra-mon-km>

### 4) Ur c'hevelerezh gant Likes Kemper.

Studieren BTU elektro teknik Likès a zo kefridiet evit emreneaat kamionoù an hentad gant an tredan. A-drugarez dezho e vez klevet ha gwelet ar Redadeg a-bell, pouezhus evit buheziñ an darvoud eo ha dreis-holl ur redi eo evit surentez perzhidi ar Redadeg. Ar c'hevelerezh-se ken prizius ha pouezhus zoadnevezet bep gwech abaoe 2012.



**Contacts :** [www.ar-redadeg.bzh](http://www.ar-redadeg.bzh)

Kehentiñ : Cyril Lelong, 06 13 30 19 49 / 09 54 96 47 72.

Kenurzhiañ : Katelin al Lann, 06 71 23 36 42 / 09 61 20 26 11.